



15
1716
PO.206

Broj: 13-03/1-04-24618-48/23
Sarajevo, 10.08.2023. godine

SKUPŠTINA KANTONA SARAJEVO

* **Služba za skupštinske poslove**

- O v d j e -

KANTON SARAJEVO

Stručna služba Vlade

- O v d j e -

Zastupnica Jelena Pekić je na 8. Radnoj sjednici Skupštine Kantona Sarajevo, održanoj dana, 05.06.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, uputila zastupničku inicijativu:

“Za kreiranje personalizovanog modela kućne njege po mjeri korisnika/ca u Kantonu Sarajevo.”

ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je gore navedena inicijativa zastupnice Jelene Pekić, koju je imenovana zastupnica obrazložila, a koja uključuje i slijedeće:

- Da se unutar resornog ministarstva uradi analiza stanja usluge kućne njege na području Kantona Sarajevo;
- Da se kreira model pružanja usluga kućne njege na području Kantona Sarajevo u skladu sa postojećom zakonskom regulativom a koji će imati za cilj poboljšanje stanja u predmetnoj oblasti.
- Dati model treba da uključuje izradu socijalnih planova, jačanje kooordinacije socijalnih usluga u oblasti kućne njege i pomoći, uspostavljanje jasnih kriterija za dodjelu grantova za ove usluge, unapređenje sistema pružanja informacija o uslugama kućne njege i pomoći, podsticanja korištenja EU fondova u oblasti IT inovacija i asistivnih tehnologija.

Predmetna inicijativa imenovane zastupnice je sa pažnjom razmotrena u okviru ovoga ministarstva i na istu dajemo slijedeće izjašnjenje:

Ministarstvo za rad, socijalnu politiku, raseljena lica i izbjeglice Kantona Sarajevo snažno i vrlo konkretno podržava aktivnosti koje za cilj imaju prevenciju institucionalizacije i



deinstitucionalizaciju korisnika smještenih u ustanove socijalne zaštite, kako starih lica, tako i djece bez roditeljskog staranja i osoba sa invaliditetom.

U tom smislu u okviru Ministarstva su realizovane brojne aktivnosti, a posebno značajnim smatramo aktivnosti koje su rezultirale napretkom koji je postignut u zaštiti djece bez roditeljskog smještaja, kroz transformaciju KJU Dom za djecu bez roditeljskog staranja. Smatramo da rezidencijalne ustanove socijalne zaštite trebaju da se prilagođavaju ovim trendovima i da se transformišu na način da, osim usluga smještaja, korisnicima i njihovim porodicama pružaju i druge usluge koje će prevenirati sam smještaj u ustanovu, te kroz usluge podrške korisniku i njegovoj porodici osigurati potrebne resurse za ostanak korisnika u svom domu.

Što se tiče vaninstitucionalnih usluga za stara lica u Kantonu Sarajevo, ističemo da se u okviru KJU "Gerontološki centar" pružaju usluge kućne njege i pomoći u kući. Međutim, ova usluga se u 2022. godini nije realizovana ni za jednog korisnika, te se gledajući višegodišnji prosjek, bilježi trend smanjenja broja korisnika ove usluge. Imajući u vidu navedeno, Ministarstvo je planiralo da u ovoj godini sagleda stanje u KJU "Gerontološki centar" u smislu pružanja usluge kućne njege i pomoći u kući, strukture navedene usluge i njene cijene, analizira razloge nezainteresovanosti korisnika za istu i potrebu starijih osoba u Kantonu Sarajevo za predmetnom uslugom, te u tom smislu sačini sveobuhvatnu analizu sa prijedlogom mjera u cilju unapređenja pružanja ove usluge i generalno unapređenja zaštite starih lica u Kantonu Sarajevo.

Smatramo da je nedonošenje Zakona o socijalnim uslugama u Federaciji Bosne i Hercegovine, a koji je već duži vremenski period u proceduri donošenja, veliki nedostatak u reformskim procesima u oblasti socijalne zaštite, konkretno u segmentu smještaja korisnika u ustanove socijalne zaštite i pružanju vaninstitucionalnih usluga korisnicima. Navedenim zakonom će biti uređene i definisane usluge socijalne zaštite i njihov sadržaj, kao i korisnici kojima se iste pružaju, pružatelji usluga, licenciranje, kao i drugi značajni elementi koji će urediti ovo pitanje. Cijenimo da će donošenjem navedenog propisa doći do pozitivnog pomaka u smislu razvoja vaninstitucionalnih usluga socijalne zaštite za korisnike.

Imajući u vidu sve navedeno, dostavljenu inicijativu zastupnice Jelene Pekić smatramo pozitivnom i u duhu politike prevencije institucionalizacije i deinstitucionalizacije korisnika smještenih u ustanove socijalne zaštite, a koju i ovo ministarstvo provodi i podržava i u konačnici smatramo da navedene aktivnosti Ministarstva planirane za naredni period, korespondiraju sa predmetnom inicijativom.

S poštovanjem,

Pripremila: Smaragda Lučkin, šef Odjeljenja

Sekretar Ministarstva, Amira Gackić

Dostavljeno:

1. Naslovu,
2. a/a.

